

虛庵李公奉使錄

虛菴奉使錄序

人有恒言皆曰氣節節義節義其有二
義焉夫事變於前守而不易之謂節斷
而不疑之謂義果而不屈之謂氣義節
之本也氣節之助也苟有是義則其窮
也其節愈堅而塞乎天地也以之苟無
是義而徒倚於氣其不爲勇而傷直而
絞者鮮矣昔人易殺身之慷慨而難就

義之從容職由於此此氣節節義之所
以有二義也歟虛菴先生少有英氣肆
力問學講究古今於集義養氣之說醞
釀久矣故一旦臨事遇變舉而措之譬
諸輕車熟道駕以良驥而王良造父爲
之後先一息千里固其所也方

英宗之北狩也中外以苟安矣傳奉者倡
富弼文天祥之選正以難富弼文天祥

之輩也先生慨然任之毅然處之甘風
塵恥沙漠脫虎口者屢入虎穴者丹格
犬羊回

天日視文山雖易而較之鄭公則已難矣
此先生以義爲節而輔之以氣者也其
徃復也歷一事則書之乘一興則吟之
許國之勤愛

君之篤宛然言表名奉使錄此亦古人紀

行之常事也先生卒之明年乃卽通政
司知事貺屬序於予以俟梓行予於先
生有同鄉同遊之雅而知先生也深故
書之

成化丁未十月既望

賜進士奉直大夫翰林院侍讀學士

經筵講官古渝江朝宗序

虛菴李公奉使錄

正統己巳夏毛刺脫卜花王

入師也先皆逆

天道侵臨邊境聲息日至時太

王振專權請

上出征迤北吏部尚書王直及

小群臣極諫不

從是秋七月十六日

上躬率六軍起行往征虜罪直王大同

命平鄉伯領軍興虜戰敗績回至宣府八月十三

日過鷓鴣山遇寇

命鄭國公朱勇出戰亦敗十五日至土木地方也

先入馬四圍大戰大軍倒戈自相蹂躪虜寇大肆殺戮邀留

上駕十六日邊報飛至奔潰回京者皆殘傷裸體
京師恐怖

太后命皇弟

邲王監國政九月初六日即

皇帝位大赦天下上

太上皇帝尊號改元景泰六年六月二十六日戊
戌尾刺為頭知院差恭祐先者脫歡等五人贊

番文赴京請和二十七日

上御文華殿文武大臣懇請差人往虜中議和迎
太上皇帝未允即時

上命太監興安傳旨要於大臣中改選如富弼文
天祥者遣之二十八日禮部以三品以上官具
名封進點差時李實任禮科都知事中

上命興安召實問其鄉貫實曰某京籍四川重慶
府合州人由壬戌科進士傳旨曰恁累進章

朝廷素知忠節

上欲遣使虜中如何實曰某雖才識不周適朝廷多事之秋安敢辭諒亦不辱

君命興安欣然入內復

命以項欽奉

聖旨李實陞兵部右侍郎做正使羅綺陞右少卿做副使馬顯陞指揮使做通事使馮勣與他去欽此本日進本討馬疋等物內開與也先相見之禮及馬價歲幣八事等因奉

上旨李實所奏俱係與脫脫卜花王也先對面之辭

難以預度悉令正使李雲臨機應變本上

欽改禮部右侍郎三十日給

銀三十兩大紅織金孔

雀圓領玉帶一條紵絲衣

一套

御馬監坐馬二疋帳房酒脯

物七月初一日早筵

上御左順門召寶等

面諭曰你晦去脫脫卜花王也兀那裏勤謹辦事好

生說話不要弱了國志領晉廷達可汗太師也先

瓦剌知院

勅書三道及各人銀三百兩絲綵二十四表裏本日

同虜使叅政完者脫歡侍郎等五人共一十六人啓行宿榆河驛

上命光祿寺官設席餞行初二日宿居庸關給價鈔命鎮守僉都御史王竑辨酒管束使臣初三日宿懷來衛令總兵官楊進管待初四日離懷來賦云曉出懷來望北行西風涼吹馬蹄輕虜營迎復吾皇駕會見生民享太平

本日過長安嶺賦云

盤旋層上長安嶺偏覺驅馳路轉餘遙憶

上皇經過日幾番回首望京華

過鵬窩堡十里乏馬一疋宿荒初五日天曉忽有
達賊二十人各張弓弩一人仗劍而前衝入帳前
完者脫歡急與答話詢知可汗所差尚書阿魯述
等先送使臣平章皮兒馬黑麻赴京奏事在彼等
候阿魯述下馬作禮復送二十里而別賦云

胡騎長驅入帳來張弓仗劍怒如雷譯知兩國通
和好長嘯一聲作禮回

同日過雲州夜值雨赤城溫泉口四十里宿荒盜

去馬三疋初六日過獨石衛見也先人馬駝車運
糧有感賦云

道經獨石停征騎世事皆非實可傷守將肆貪營
第宅近臣徒手保邊疆人家已盡遺兵火倉庫猶
存助敵糧回看具封希

上旨用懲有罪表忠良

相離城北五里宿荒虜人喜悅歌曰歡飲乳酥其
夜盜去馬六疋至曉脫歡等追趕復以獲射死三人
生擒三人審是宣府出哨健步各口五十放回過

萬里城甚有駝乘初七日過開平衛賦云

萬里窮荒極遠遊風涼露冷正高秋山行野宿渾
忘嶮腥飲羶食止解愁駝馬連營輸饋餉犬羊
夾道喜歌謳虜酋悔過重朝貢早奉

鑾輿復帝州

初八日宿興和衛東海子邊初九日過北只兒即
汝城又過小黃河牛頭山九十九海子聞河內出
鹽味苦宿昂棍岡兒初十日宿失刺薄禿即也先
邊塞營中送下程羊二隻十一日到也先營中申

時分地名失八兒禿及至營也先令田指揮名虎刺亦議相見禮曰相見時賓立於右主立於左各將上身微躬雙手向後然後各以右手抱彼之左肩以左手抱彼之右脇緊摩背三三次是乃禮也彼又曰滿都滿都則應曰滿都滿都即平安之謂與也先并伊婦相見畢方令彼閱讀

勅書受賞賜年實坐於上副使次之也先坐於左伊婦次之飲乳酪彈胡琴吹胡茄跪拜懇勤也先曰大明皇帝因何差你侮來實答曰自太師父祖以來

至於今日朝貢朝廷三十余年使臣進馬往往
待以厚禮賜以重恩近因王振專權減了馬價太
師以故動兵拘留

太上皇帝聖駕搶掠人民殺害軍馬今瓦剌知院上
合天道下順人心奏知可汗稟知太師特念前好
同差參政完者脫歡賚文赴京以求和好因此差
我大臣賚送賞賜給與太師并可汗瓦剌知院以
全始終和好依舊遣使往來也先日這事只因陳
友馬清馬雲小人是非所以動了軍馬小事兒

做成大事我的真心送

太上皇帝到京你悔不着大臣出城迎接我又着張
關保姚謙去奏又將他悔殺了因此上多多搶了
良鄉涿州一帶人馬實各曰太師既是送

駕軍馬不由關入漫山而來肆意搶掠不過假名送
駕耳朝廷不能無疑况又分兵各門斬殺姚謙張關
保既為使臣却引達達百余人各張弓矢遇敵亂
殺不知二人為使臣也先曰說的是又曰我後差
者盈卜花六人赴京奏事何故不放回因此搶了

大同寧復一帶人馬實答曰先因太師軍馬南侵
父被害者子為報讐言兄被害者弟為報讐人皆樂
為從軍今沿邊關口軍馬多者十余萬少者六七
萬舉皆奮勇欲報君父之讐且軍士獲一首級即
得陞賞太師雖差使臣若無南使同行或被兀良
哈達子或守邊官軍殺了以圖陞賞又曰後又差
李貴我着人送至大同城東因何又不放回實答
曰近得夜不收報說哨至大同東邊離城八十里
見有殺死屍身四十五人拾得荷包一箇內有文

書一紙稱是太師差來奏事人既不存未審虛的
想是守邊軍士殺了并不見一人到

朝廷如叅政完者脫歡等到京奏事重加賞賜豈待
筵席又差我哂同來兩國講和必資使臣以通其
情豈肯殺害自絕其路也先然之又曰我差太監
喜寧奏事何以殺了實答曰喜寧自幼累受

朝廷寵厚托為心腹令賞金帛迎取

太上皇帝却引太師人馬搶掠京城復寇寧夏

朝廷已將喜寧明正典刑凌遲三日為將來不忠之

戒也先喜其言曰我亦知道又曰

大明皇帝自領軍馬與我廝殺落在我手裏衆人勸
我害他我再三不肯他是一朝人主我着特知曉
伯顏帖木兒早晚恭敬他不會怠慢你俺捉住我
留得到今日麼明日引你俺去見實答曰此足見
太師仁厚之心也先曰你俺來得好我正歡喜料
得你俺事務成就了若不來呵我俺七月十五上
馬又到北京也先把酒曰大人路上辛勤可勸數
盃飲畢出令平章尚書送壯馬一疋宰之為下程

十二日着頭目賚可汗并瓦剌知院勅書賞賜分
頭前去同日差平章人等引賚等去三十里朝見
上皇同少卿羅綺指揮馬頭共進紵絲絲段四疋及
粳米魚肉棋炒燒酒等物賚泣下行禮畢惟見校
尉袁彬余丁劉漣兒伏侍左右

上曰比先我出來非為遊獵乃為天下生靈躬率六
軍征討不意被留在此實是王振陳友馬清馬雲
所陷也先實意送我回京被喜寧引路先破紫荆
關擁至京城喜寧不肯送回後又送回亦被阻當

喜寧既凌遲了陳友不要饒他

上問

聖母今上安否實奏曰安及問舊臣道其姓名甚悉
上曰在此一年因何不差一人來接我回你悔與我
將得衣服靴帽來否實奏曰

陛下蒙塵大小群臣及天下軍民如失考妣虜中數
次走回人口有言見

陛下者有言未見陛下者言語不一况又四次差人
來迎俱無回報難必有無因此特差臣等來探虛

實不曾有衣服等物帶來

上曰你晦回去上覆

當今皇帝并內外群臣差人來迎我回若不來接取也先說令人馬擾擾十年不休我一身因不足惜天下生靈為重

上賜酒飯畢實詢知也先居無定在稱水草牧牛羊殆盡移營每五日送羊一隻牛一隻進

上以為所食殊無米菜實奏曰臣有白米數斗進上曰飲食小節怎與我整理大事

上令望帖木兒營中烹羊與伊婦把酒歡飲復面見
上皇奉命決議大事實奏曰上昔任用非人當引咎
自責忠言懇切

上嘉納之日暮深有不忍別之情欲留宿詭伴者促
歸歸宿也先營已三更十三日也先殺羊馬備酒
相待令達達歌唱勸飲曰你悔來時心裏怕麼實
荅曰自古敵國講和為上必命使臣以通兩國之
情中途有賊躬冒險尚無所怕今到太師營中
便如一家何怕之有也先喜曰賽盈賽盈

即華言
和好

又曰有理的怕無理的怕你悔認得

上皇可想他麼實答曰為臣盡忠為子盡孝君父之恩豈可忘乎我悔之思

上皇猶太師之思可汗耳也先曰既是思想何不取面實答曰朝廷四次差人賫重金帛太師皆不發今太師既肯着我悔奉迎回

朝廷自有厚禮給賞不輕也先曰

大明皇帝勅書內只說講和不曾說來接

大明皇帝留在這裏又做不得我悔皇帝是箇閑人

我這袁晦千載之後只圖箇好名兒你晦回去奏
知務差太監一二人老臣三五人來接我便差人
送去如今送去輕易你晦

皇帝了再不可言待酒畢送下程羊二隻十四日與
也先作筵備酒相餞曰如今我差一人你晦議一
人去大同調回大通王山西小黃河一帶人馬說
與大同宣府沿邊軍民可放出郊外收割田禾抹
打柴草我的人馬草也不動你的一苗來接

駕的人約在八月初五日實答曰差人不差人奏請

聖旨我悔豈敢約期也先曰若不差人來呵軍馬擾
邊又說我悔失信勉強與決也先差尚書土木兒
罕同火卿羅綺往大同調回人馬又差虜使右丞
把禿等二十七日共備馬四十三疋貂鼠皮五十
箇同實等赴京奏事進貢本日辭也先往辭

太上皇時伯顏帖木兒侍側上再三叮嚀迎復之事
惟恐來遲袖中出書三封令實齎面

上曰來時官服放在宣府便服隨身帶來路途遙遠
勿辭辛苦當以天下國家蒼生為念

賜酒飯令舞帖木兒仍同伊婦把酒曰大人回去着
人早來圍成大事我悔也要回去了實曰

皇帝在此多蒙恭敬奏知

朝廷賞勞送馬一隻復舞

上皇曰你悔回去上覆

聖母太后上覆

當今皇帝也先所欲者非要土地金幣惟欲養龍九
龍并織金線段可着人早賞來寶鎮

命泣下舞出啓行至二十里指荒送下程羊二隻十

五日宿失刺失薄充當夜三更起行十六日過績
麻嶺山下宿荒十七日過西陽河口入關至萬全
左衛食午飯宿宣府見軍民出郊採打柴草收割
黍粟人皆喜悅生意殊盛十八日會總兵官驗馬
造冊差人奏報仍宿宣府十九日過土水

上皇失利處宿懷來衛時在京運糧二萬石至遇
朝廷復差都御史楊善侍即趙榮同虜使平章皮兒
馬黑麻同知哈丹寺下番議和實將虜中與也先
應對之詞及一應事情并奉迎

上皇之禮備細說知使彼此無訛以全終始二十日
少卿羅騎同尚書土木罕至大同俱說大同王人
馬共六千七百時二千圍朔州等處今俱調回大
同軍民出郊採打柴草實別把禿等預先回京奏
事過居庸關遇長隨陳容齊

勅命實等將虜使騎坐馬匹留在懷來喂養先是已
將馬疋并各人懸帶弓矢俱留宣府領

勅賞回過榆河驛宿朝房二十一日早復

命上御文華殿召實

問曰也先有甚麼說實悉陳前詞又曰

太上皇帝如何說實丹拜奏曰上覆

陛下備陳

太上皇帝前旨無遺

上曰也先請和虛實如何實奏對曰臣入番境彼處
軍民人等舉皆喜悅夾道謳歌沿邊乳酪勸臣等
飲之咸頽和好蓋因彼處人馬相繼病死離家年
久論其和意似有成矣伏望

陛下處置

上曰一路辛勤驚恐賜銀三千貫羊一雙酒十瓶

命太監李三支筆發前右廊待酒二十二日少知

綺同右丞把禿等到京進貢朝

見二十三日把禿等奏討使臣

上不許五府六部上章請遣使奉迎亦不許二十五

日實進本其畧曰臣竊謂先差臣等費

勅非迎

上皇專為請和今已事完其欲差人迎復定約日期

出自也先之口臣特傳虜情伏望

陛下如群臣之請另差有能大臣迎復

上皇雖虜人變詐不測亦可塞彼無詞倘不差人失約則直在彼而曲在我臣若不言恐後復用差人僉曰臣實可差臣自揣遠期失約決不敢去若另行差人亦不可去臣固不敢去人亦不可去則彼此猜疑彼此猜疑則和議不成和議不成則

上皇終不可復干戈終不可息邊境終不可寧臣願知虜情不避鈇鉞昧死為

陛下備陳乞早賜

乾斷天下幸甚生民幸甚謹具奏聞伏候

聖旨當日奉

聖旨也先使臣明日回趕上揚善待揚善來再定奪
欽此二十二日把禿等回二十九日早到虜營見
也先揚善等本日晚到也先打圍未回揚善等八
月初二見也先初五日也先人等備酒餞

上行初六日發程初十日入野狐嶺十一日到萬全
左衛演武亭駐驛十二日宣府南城東十三日懷
來衛實奏本引證唐玄宗肅宗故事以

鹵簿奉迎自大明門而入

上發書二緘命中使陳友賁回十四日遣使臣回京
詔文武群臣言避位之由十五日

詔文武群臣免朝見之禮當日百官至東安門外迎
上皇於東安門內下輦拜迎

上亦下輦百官隨至南城殿中

上陞坐百官行禮始終所行之事悉實言之無爽噫
上皇之所以回鑿社稷之所以奠安臣無分寸之功
寓於其間特以紀之

本月二十日太監興安傳

旨遣李實同指揮使馬顯同虜使恭政刺來往雲中
賞勞也先人等二十一日

奏討官舍旗軍 辭等四十四員名時總兵官石亨

阻帶五軍三千等營旗軍有用非言毀謗者實在
朝厲聲面訐其非當日進本蒙

唯帶去二十八日司禮監會賞賜金銀珠翠及繡金

九龍莽龍織金紵絲等物共裝二十六駝二十九日

上御左順門召實等

面諭曰你晦去也先說他好誠心送

大兄皇帝回京我十分歡喜差來使臣都重加宴賞
了又送賞賜與他可早回軍馬依舊遣使往來買
賣欵此賜銀二十兩絳絛二表裏大紅織金絳絛
衣服一套九月初三日早

辨領捧

勅書一十四道賜酒飯當日啓行宿榆河驛初四日
宿苦甯關初五日宿懷來衛初六初七宿宣府恭
政刺米等俱先回止令土土兒郎中等五人引路

初十日宿洪河十一日宿十八兒禿時也先差哨
馬報說虜營反出兀良哈達子三百余人至夜知
更轉箭人皆憂之十二日宿北只兒即以城十三
日遇虜人哨馬三千歡飲乳酪要綵段宿香山
十四日也先差平章脫帖特爾迎接宰馬把酒索要
綵段以駱駝九隻馱載賞賜宿小黃河賦云
猾虜從來變詐多滿斟乳酪唱胡歌乞憐搖尾行
虛禮號餐餐無休可奈何

其日過牛頭山到也先營中地名開河寓西下營

十七日也先聚大同王賽罕王特知院伯顏帖木兒人等也先曰南朝臣宰多如草芥如何不來又差大人來實答曰

大明皇帝因知大師敬重我悔特遣來賞賜實就將欽奉面諭聖旨及勅書內事理一一備細開諭曰太師能上順天道下合人心奉送

太上皇帝誠意并朝廷宴賞使臣兩國和好之禮也先喜曰自堯舜以來史書上有送皇帝還中國理否實答曰為大丈夫者然後能行大丈夫之事且

古至今南朝皇帝幸迤北者亦罕我

太上皇帝遇太師邀留在此又能奉送回京真大夫
失之憐耳我朝自

大明皇帝及諸藩親王至於大小群臣舉皆歡喜今
特賞重金帛不遠千里賞賜太師為此故也惟太
師早回軍馬廢得彼此無疑全兩國始終和好永
保名節傳之不朽不亦善乎也先曰

太上皇帝不為大明國土人民出征落在我手我順
天道送還如何不要他做皇帝嘗答曰去歲

上皇在此我朝親王臣民奏請

太后懿旨謂

天位不可久虛生民不可無主特

命今上皇帝為百神之主萬民之尊布告天下四夷

咸賓遂尊

上太上皇帝尊號近迎回京極享富貴之福也先曰
既是兩國和好便如魚水一般怎麼不買鉄鍋駿
轡來着是這等計較不如不和的好斬殺的好
實答曰太師久離家鄉部下人馬奔馳殆及三三

豈無思鄉之怨太師也要愛惜羽翼及早回軍兩國人民皆天之赤子古云殺人一萬自損三千自古敵國有盛有衰有隆有替皆係乎天是豈人力所致兩國和好不必言利買賣之事皆可行也

朝廷亦未嘗不以禮遇使臣也先曰我的軍馬退去大黃河過冬待差使臣回來着賞賜買賣如何送下程馬一隻牽之其夜賞送賞賜給與也先極有喜色相待但言珍珠碎小與伊妻點檢實至三更方面十八日送也先并伊妻公主絲段絹布酒菓

寺物其日也先大聚頭目將大同王人等賞賜給
畢議使臣赴京進

貢欲差八千余人實連日備說宣府沿邊一帶衛所
車馬人夫應付不敷伯顏帖木兒曰既是和好怎
麼怕人多若不往來買賣和好甚麼實曰便差八
千人不過為使臣何足怕多但使臣所過去處必
須下程酒飯應付車馬人夫未免擾人自

太宗皇帝以來無事之日買賣使臣不過二千人
今兩國讐敵方統和好却差八千人知院欲

大明皇帝罪及於我輩於心何安帖木兒曰大人所
說有理待再計議歸宿營中賦云

百感俱生正寂寥不堪風露路寒飆常思入覲趨
天闕每記歸程望斗杓禽獸同居恣穢污豺狼無厭
肆矜驕寄言平地封侯者不珍胡兒恨不銷

二十日復議差五千人二十二日晚也先宿伊婦
公主營中實夜送黍粟之物與議差人之事也先
喜甚曰小人兒侮都來告說各處征進出氣力要
他侮去如今和好不要他去買賣着我也難主張

實曰兩國買賣止一次而已今特絕通道路不得
去者着下次輪流而去也先然之二十三日議頭
日方差平章昆克等二千入赴京也先曰你漢兒
人做賊命同詔裏常偷了賞賜實答曰我悔到太
師營中累偷了馬疋君子小人隨處有之伯顏帖
木兒連日令人相請至途中見各營帳中半是擄
掠中國男婦姿色極美虜人收為妻妾輒加筆楚
喜則惜之見我輩無不號泣何忍觀之賦云
蠢尔豺狼不悔亦敢侵

大國肆為讐言誰家兒女使馬使何處夫妻任票收汲
水拾薪還執爨放羊牧馬更有牛胡言漢語相兼
說遊體體惟餘一弊來

其夜至帖木兒營送與紵絲等物烹羊備酒同伊
婦勸酒留宿二十五日仍備酒相饒本日也先率
馬備酒餞行曰我差昂克罕輩悔根大人去進貢
好生的賞賜去的使臣務要見

太上皇帝進馬就着他安否如何實曰

皇帝得知自有發落飲畢送馬二疋豹皮五張羊二

佳也先起營退圍六黃河實上馬相辭同平章昂
克辛啟行宿平章哈者呵裏營中賦云

重捧龍章又束裝

白玉忽頒賞給選荒夢魂切切天朝選漢茫茫塞路
長十里漢人愁去國二千胡騎喜來王當今

聖主興中運何日干戈珍暴強

二十七日宿忽克幅里溫突刺二十八日宿失刺
母連二十九日宿哈刺兀速不刺即多泉也先差
右建副樞人等搜放使臣索要紵絲寶且本其畧

曰臣思也先特假奉送

上皇之名欲遂胡俗失論之顛肆為誇詆不可殫述
伏望

皇上益振師旅益修邊備以逸待勞以誠應偽使虜
人自然感化而將心悅誠服矣臣本南人承北使
既不諳其言語又不耐其風霜雖然兩使虜中自
揣多不稱職無以副

皇上任用之盛意也默將機密虜情謹具本題取自
聖裁賞鈔二千貫賜酒飯十月初九日戶兵二部推

舉憲職有風力者巡撫湖廣督運糧儲欽奉

聖旨李實迤北回還有功他又知彼處事情陞右都

御史便寫勅書與他去整理欽此十五日准給

誥命祖永恭父祥贈封資善大夫都察院右都御史

祖母史氏母柯氏妻熊氏皆~~封~~夫人實不勝感激

賦云

愚繆微臣荷

聖明計行言聽道斯行一門三代推恩感半載三遷
極寵榮不得事親惟事主未能調膳且調羹深仁

厚德無由報頭掃風塵洗甲兵

十六日早

拜賜銀二十兩大紅紵絲織金臥麒麟衣服二套

面諭曰聽得湖廣地方賊情未寧恁去好生整理勤
謹辦事就領勅書賞銀一千與酒飯喫飲此賦云
使虜歸來謁未央

特恩寵擢撫湖湘霜威儼肅楚丹陛

天語從容出建章富弼有能興宋室魏徵無愧佐唐
王區區一點丹心杜頭效涓埃各

聖皇

嗚呼我

國家不幸有此故實亦不幸有此幸雖兩使虜中不
敢辭其勞若論奉使者得其人或不得人寧若願
國家無事而不遣使之為愈哉是錄非犬馬之勞售
人之知特叙其虜情併紀行程歲月云耳

虛菴李公奉使錄終

虛菴李公集

誥命

右都御史李公誥

奉

天承運

皇帝制曰爲臣能勤於職務國家既有以褒崇之而復推恩及其親者所以惇本始而爲天下爲父母者勸也爾李祥乃都察院右都御史實之

父積善毓慶致有賢子爲國之用茲特封爾爲

資善大夫都察院右都御史服此隆恩永綏祿
養益勤祇慎光我命詞欽哉

景泰二年御室六月十八日

夫人柯氏誥

奉

天承運

皇帝制曰朕惟人子之賢必本於父母之教故國
家於群臣之有勞績者則推恩以及其親所以
重尋倫而勵忠孝也爾都察院右都御史李實

母柯氏婦道母儀著于閨門篤生賢子顯庸于
朝揆厥本原宜錫褒命茲特封爲夫人服此茂
恩益崇閭範尚迪爾嗣克諧厥終

景泰二年御室六月十八日

諭祭文

維景泰六年歲次乙亥十二月壬寅朔越十

日丁巳

皇帝遣行人章表

賜祭于都察院右都御史李實母柯氏夫人

曰爾夙有家教于婦道篤生令子爲國憲臣
克效勞勤良由爾訓嘗原所自進以榮封宜
壽且康以永貴富胡遽於此奄忽脩然特用
推恩命營塋祭爾靈不時尚其

欽承

聞喪祭文

維大明成化二十二年歲次丙午十月壬申
朔十五日丙戌

皇帝遣四川布政使司左叅政唐震

諭祭于都察院右都御史李實曰卿以魁偉之
器通達之材早擢賢科歷官禁近封駁務存
乎國體招募克振乎兵威特進卿階使朔漠
而能折虜以大義迨遷都憲撫荆襄而有平
賊之膚公旋罹忌讒遂言休退猶期復用乎
老成胡遽永違於泉壤忽聞訃至良切悼傷
追念賢勞可無裒恤爰命有司爲營葬祭卿
靈有之尚其歆服

下葬祭文

維大明成化二十三年歲次丁未四月庚午朔二十九日戊戌

皇帝遣四川布政使司左叅政唐震

諭祭于都察院右都御史李實白國之蓋臣遽焉云逝奄臨窀穸良增慨歎特茲遣祭以表始終靈其不寐尚克享之

蜀府祭文

維大明成化二十二年歲次丙午八月癸酉

朔十六日戊子

蜀王遣正千戶黃嵩

諭祭于都察院右都御史李實之靈

曰羊質磊落才邁等夷早登金榜遭際

明時給事黃門荐陞都憲振肅紀綱輿論無間

欽承

帝命歷撫大藩揚清激濁立懦廉頑功成知幾盛
羊身退托迹林泉陸沉養晦當道推轂再入
承明正宜擢用舒發葆英胡爲來歸竟違人世

當宁書

恩錫以莖祭進退有節存沒無虧仕者若此亦
世罕稀計聞遐迩孰不憫惻茲特遣奠用旌
舊德尚

享

所述文集奏議及

誥敕俱毀於回祿無存

虛菴李公附錄

贈李黃門序

正統十年冬

朝廷以給事中朝夕侍左右氣體之所移養辭命所
由出納

國之大事得以參焉

朝政之闕遺百司之功過得以言焉其所繫如此可
輕畀哉於是

詔吏部必人物豐偉語言正當行述端莊才識優長

者然後任之而今之士長於此密短於彼求必如
詔命蓋亦甚難其人故選於衆中得同年友四川李
君實一人焉蓋極一時之選也

命下之日在廷大小之臣莫不謂得人賀而監察御
史陳君价為求言以張之予曰予史官也古之稱
良史者不虛美李君雖足應

詔而未見其實可虛美乎故逢逢而未執筆者久之
及是君出鎮兩淮毅然以廉公自持雖時之聲勢
隆赫者亦無所顧避章疏凡數上皆時政之大者

其言侃侃足以拾遺補過信乎其能稱前

旨而舉廢官也予曰是可賀矣乃告之曰凡人有為者恒患失之過有初者恒患挫於終失之過非弘挫於終非殺任重道遠者所不為也李君以有為之資膺能言之選居得言之任而又當可言之時吾特患其為之過也蓋古之能言者一言一藥皆足以救時其或為時齟齬亦確乎其不變然則李君宜亦擇其當言者言之不以齟齬少變其初則人將謂李君弘毅君子也患難不移也為所當為

也大任之來不可辭矣

賜進士及第翰林脩撰吉水劉儼 景太元年正月

贈李孟誠榮陞都給事中序

聖朝疆理天下圖惟治道稽古建官大小相維極其
詳備內外防範尤甚精嚴若黃門給事上以出納
集命下以綜理事機誠庶務之綱維百司之樞要也故
朝廷於銓選之際尤甚簡其人焉苟非有傑特之材
超卓之具為足以膺斯任今禮科都給事合陽李
公孟誠由正統壬戌進士逮今乙丑適給事員缺

公以人物豐偉儀度顛昂超邁不羣才學兼茂獲
與茲選蒞事之際敷奏詳明封駁嚴謹獻可替否
啓沃彌綸夙興夜寐敷陳尊

主庇民之術議論辯給文章雄贍卓乎非流輩所及
是以謀行計從而才猷已著內外和悅而名譽已
彰故特於己巳之冬

欽奉命掌科事益殫心力鞠躬盡瘁登展宏才遠
畧雖蔽於衆人而賢於衆人簡在

帝心眷注尤非昔比矣今年夏五月陞本科都給事

上既付托之隆下亦深協輿論蓋孟誠爵位增崇而
謙冲愈下聲光益著而退避不逞于以見其賢於
人遠矣禮部屬司羣僚謂子請曰君之善行人固
咸知某等知之尤悉欲往趨賀願乞一言以彰其
美予維孟誠鍾西蜀山川之秀負英敏獨儻之資
際遇

明時得行其志居黃門而人皆器重其馴致於通顯
也必矣予雖老眊猶能拭目覩其庸不次之擢以
大展其施設而彌敷治道于

方今也姑書此為贈以俟

榮祿大夫太子太傅禮部尚書毘陵胡濙

景泰元年六月

贈李公孟誠陞右都御史序

西蜀李公孟誠以正統壬戌進士拜禮部給事中
三載遷都給事中論事切直得諫臣體識者以重
器目之方胡虜犯順

上皇北狩朝廷議遣大將提重兵問罪虜庭虜聞恐
懼間遣其親信叩關請罪議者欲發使探其意愈
謂非孟誠弗可因夫薦之

聖天子素知其可用遂授嘉議大夫禮部右侍郎以
行孟誠至召其酋長數以悖逆之罪且具言

今天子神聖將士用命人人有敵愾志於是虜衆始
曉然知禍福所在即謀率衆奉

上皇還京自是群醜潰散邊城解嚴民得安堵如故
是雖

上皇威德所致蓋亦孟誠善宣播之力也孟誠九再
往返了無難色詞嚴義正甚為虜人所憚可謂充
稱使命者矣茲以湖南虛境未靖

上復命孟誠往鎮撫之進授資善大夫都察院右都御史其舊所同寅諸公相與徵言為贈維所貴乎士君子者以其善養吾浩然之氣克之則塞乎天地貫乎金石彼夷狄人類有不足言者孟誠夙負剛介一旦見用其道之行若此固非善養浩然之氣者有所不能是可嘉已雖然道既行於夷狄則行於中土可知孟誠去是刑不必嚴法不必峻吾知吏畏安懷自有不言而諭者矧當

朝家簡賢致理之日若孟誠者寧能久勞於外而無

前席之遇乎予之所望在孟誠者惟欲持其志無
暴其氣斯善矣幸相與勉之

賜進士及第翰林院學士守安商輅

嘉太元年十一月

贈都憲李公奉

詔上京詩

成化八年正月

幾年閒散白雲鄉一旦

徵書被

寵光用舍自如心不繫
沈湮與勢相忘
鹽梅
還擬歸才鼎
材木終須應棟梁
好養濟時經

緯策竚聽

清世頌虞唐

知府曾昂

奉

謚上京詞有引

寅惟

都憲李公孟誠閣下經濟雄才

廟堂偉器使北虜功歸

龍馭立中朝政肅烏臺幾載林間閑却擎天之

手一朝

天上重思取日之功

召命呈馳歡聲雷動某等職當勸駕何以侑觴
敢琢句以製詞遂剪綠而為旆尚祈

電矚試命工歌 詞曰

記取日虞淵聲光烜赫正色立

朝多氣節歸來林下幾載心馳

金闕獨樂園中憂民憂國

聖主九重旁詢岩穴求如元老真難得

黃麻詔起重快觀

天顏悅濟川調鼎益梅舟楫

右調感皇恩

前監察御史同邵費廣

送都憲李公奉

詔歸田詩

纔見徵車到日邊又承

恩詔許歸田大臣去國當憂國

聖主求賢肯遠賢紙上功名身外事吟邊風月

靜中天明朝載酒紅亭別應有都人說往年

吏部尚書濟南尹旻

昔日行人避玉驄衣冠今復舊時同利名髣髴
蕉中鹿得失尋常塞上翁一幅蒲帆江漢
外數掾茅屋錦城東逢人莫道為官事自有
當年使虜功

兵部尚書南宮白圭

當年國步屬多艱投筆聲名動玉關虎口曾
從萬死脫

龍顏載得

九重還才堪濟世心猶壯

詎許歸田鬢未斑此去莫嫌無勝槩清風明月
滿秋山

南京吏部尚書催恭

玉雪丰姿錦繡腎明良千載喜相逢手扶紅
日成功早心憶白雲歸興濃明月半蓬詩共
酒清風三徑菊和松群生又有爲霖望未許
蒼江老臥龍

都御史四明屠壩

德譽曾馳翰墨場
共看丹鳳在朝陽
疏陳紫禁還留稿
政肅烏臺尚有光
謾解組纓辭帝里
只携琴鶴到家鄉

聖朝側席思賢舊
起作甘霖被八荒

巡按御史淳安王賓

出使從來說鄭公
我公勲業迥難同
昔年納幣交鄰道
今日回轡不世功

寶位再登思舊績
璽書三詔復原封
于今莫謂

寶位再登思舊績
璽書三詔復原封
于今莫謂

飄然去德遠行省並始終

安岳知縣顏公輔

歸來金紫照西川
迎菊巖松晚節全
萬古青山為伴侶

九重黃紙夢傳宣
冰霜地位尚書履
風月江湖秘監舫
多少門生並故吏
相逢猶自說威權

巡撫都御史張瓚

功成拂袖返西川
天眷平通五福全
身在鏡湖隨笑傲
名書金簡聽傳宣
綵箋席上遺詩

草紅袖花間送酒舡占斷四時風月主
誰爲獨無權

廣安僉事鄧杞

風霜曾握栢臺權
技老歸來興浩然
碧鎖有心懸

日月白頭無事樂
林泉秋風擗葉燒
丹竈春水桃花把釣舡
爲憶湖濱

行化日至今遺惠滿湘川

重慶文府判桂陽羅旦

曉趨晨漏覲

明光兩袖飄飄出建章
北虜猶聞少宗伯
西川閑却老都堂
袍加一品

恩光重棹泊三江
引興長自古功成身自退
赤松不獨羨張良

順慶知府張海

昔年躬謹事

高皇姚宋勲勞正可方
身惹御香扶鳳輦
耳聆天語近龍床
明分止水涵秋月
今出都城肅曉

霜旌節自從歸畫錦至今朝野姓名香

成都生王伯春

曾竭丹心佐

聖明分符出鎮著英聲威揚胡虜煙塵淨化洽
軍民海宇清霄漢忽傳頌

鳳詔

天恩新許樂漁城詩才賸有陰何妙願錫餘芳

啓後生

新塗生黃昭顯

叙哀有引

古之於親識既沒有輓章有誄詞有原哀有
相哀皆所以悼死生之別寄幽明之思故發
諸聲歌形于氣嘆自不已於懷者予同年友
都憲李公孟誠居官近密出秉使節南航楚
氛息北騎胡塵收氣焰烈烈名動華夷累擢
通顯天下真奇男子也惜夫末年未遂鬱鬱
而終嗚呼悲哉衰老不能走吊哽咽感傷因
作叙哀云

登甲第

金榜鴻臚聽曉傳風雲嘉會若昇仙獨憐
此夕天光暗又是文星下九淵

黃門給事

丹陛鸛班鵠立時侍臣簪筆肅朝儀玉容寂
寞今何在忍聽悲歌薤露詞

少宗伯使瓦剌

天上皇華動使星西風單騎入邊庭功名
不與身漸盡千載餘光照汗青

再使瓦剌

鐵騎衝寒獨擗鞍
英標聳動虜人看
天邊義氣橫秋肅
烈日傾葵取寸丹

投閑置散

倦羽歸來寄一枝
上林無樹可相依
重雲漠漠夢魂杳
猶自驚寒萬里飛

幽明永訣

松竹梅花雪月清
歲寒亭畔偶渝盟
相思無限傷心淚
洒向秋風作雨聲

成化乙巳秋九月致仕知府安居曾昂輓

故封夫人李母柯氏墓碑銘

光祿大夫 少保兼 太子太傅戶部尚書 文淵

閣大學士脩 國史知 制誥同知經筵事廬

陵陳稱撰

資善大夫

太子少保兼都察院左都御史廬陵蕭維禎篆

通議大夫太常寺卿 經筵侍書廣平程南雲書

夫人柯氏諱淑顏今封都察院右都御史李公世

昌之配右都御史實之母也公與夫人世家蜀之重慶合州景泰三年之冬偕來就其子實之養時實奉

勅巡撫湖湘故公輿帶寓於武昌又明年夏

詔召實還京師實遂奉公夫人以行至五閱月夫人以疾卒於官所時六年正月六日也

朝廷自實推恩命有司為營墓祭實將行奉柩歸墓于其鄉先塋之次亥山已向謹述夫人平生來求銘于墓上之碑余與實官同朝銘不容辭其為之

銘曰

有偉柯宗

絲絲其世

重慶是家

相承善義

以戎樹勲

早從武仕

曰諱鳳者

卓冠柯氏

官至百戶

才行俱美

實生夫人

克精女事

端靜柔淑

父母所喜

為擇所歸

得於州里

作配世昌

婦道是履

躬勤蠶桑

詎止薪水

善事舅姑

孝敬咸備

處族之和

逮下之惠

推以用之

久而逾至

孤幼貧賈

視若由已

撫卹周給

豈靳施子

令譽在人

無間疏比

子生七齡

識其令器

告于舅姑

成之母棄

舅曰賢婦

汝為有子

乃令就學

日究經史

謂底其成

有望於爾

夫人受命

晨夜砥勵

謀於夫君

務承親志

登之郡庠

期以科第

子承其教

勤勉無替

凡百以成

孰非以此

人孰無母

蒙綯而已

夫人於子

教養兼致

人孰無配

獲助可矣

夫人於家

相其賓祭

人孰無婦

養資甘旨

夫人舅姑

疾賴以治

生事死葬

感見由禮

其為德善

孰愈於是

荷

國恩榮

褒封累被

教言惓惓

尤懼或弛

於乎夫人

如斯有幾

其生洪武

癸亥之禩

三月十日

時刻則已

比卒享年

七旬踰二

子男一人

端厚偉麗

初舉明經

為名進士

擢給事中

遷春官貳

簡在

上心

進都御史

兩使虜中

節鉞罕儼

恩及二親

顯至祖禰

詎非夫人

為所從始

蜀山高迴

川水環逝

夫人歸藏

安固莫擬

我銘其碑

示厥來裔

景泰六年正月甲戌哀子李實泣血立石

宣義郎工部營繕所正吳邵揚春鑄

明故資善大夫正治上卿都察院右都御史
致仕合陽李公春墓誌銘

賜進士中憲大夫贊治尹雲南徽江府知府致

仕安居苗昌印撰

世有偉丈夫抱才畧負氣節慷慨不羈於隱
處之初猶干將莫耶匣韜未試其光歛鬱發
上凌層空散為五彩綺霞晃曜萬丈也至其
肆大設施展布所抱負則必掇巍科躋臚仕
樹功名勳業烈烈縉紳之表故能棟梁

廟堂柱石

國家行當大任也夫豈凡庸委靡而已哉若吾友都憲李公其人也公諱實字孟誠別号虛菴其先世家江西臨江府武陵縣人代有名宦曾祖友政丁元季寇亂隱德不仕借曾祖妣劉氏始徙蜀悅合州樂善坊家焉祖永恭娶史氏父祥娶柯氏母嘗夢巨蛇蟠繞身求樂十一年癸巳五月二十日午時誕生實是日諺稱為龍會因以龍會命乳名五歲凡物

邑皆識誦詩百首日記數千言弱冠侍祖族
遊蘇松回至巫峽舟險幾亡命抵合之金沙
洲以拽繩繫江石拜而祝曰吾自此事詩書
更不與汝相親年二十二歲克郡庠弟子員
一夕書樓無燈燭忽夜明蓋鬱發之光歛已
燁然矣正統六年辛酉以詩經中鄉舉明年
壬戌登劉儼榜進士第觀戶部政十年乙丑
春二月吏部選人物曹豐偉語言便當行止端
莊才識優長擢禮科給事中十四年乙巳秋

七月

英宗皇帝北狩被留虜庭

太后命皇弟郕王監國改元景泰差公往淮揚
等處招募義兵二萬餘赴京守城策應時豪
猾挾黨暴橫欲謀不軌公痛繩以法民乃奠
安在科九遇審錄公直辨理獲免甚衆一月
之間

奏章二十八九以多言屢遭排擠有同寅諫以
勿復多言公曰坐食天祿職居言路豈容緘

默言不輟夏五月陞本科都給事中六月該
文武官奏令瓦剌脫脫卜花王差人講和太
監興安傳

旨堂上官有如富弼文天祥者遣之各衙門議
馮公名進本月二十八日宣入會安曰恁日
每進章

皇上素知忠直要差往瓦剌地方與脫脫卜花
王并太師也先議和荅曰

朝廷養賢以備任使方今多事之秋固當竭力

奉行但實平日多言而譟擠排者衆恭荷

上知雖不學無術庸敢貽辱

君命安曰斯言善矣少頃奉

特旨李實際禮部右侍郎迤北講和七月初一

日早辭承

面諭領勅并賞賜從行一十六人晝夜兼程經
榆河驛居庸關懷來等衛俱

命設席餞行初六日次土木地方歷赤城毡帽
山獨石開平等衛沙城小黃河牛頭山九二

九海子沿途遇達賊張弓挾矢列陣而衝處
之泰然無少懼虜人知是南使下馬羅拜前
引十一日到也先營中用賓主禮相接宣以
大義詞不為屈虜酋歡悅革心奉

駕南還方令讀勅勸飲乳酪次日令石惠沈伴
送朝見

英宗皇帝於虜庭命定回金之計及代寫上
聖母皇太后等書并勅諭賚回奏換迎

駕勅書奉迎還京復又差牲犒勞二次跋涉歷

盡艱險以勤勞有功

特進都察院右都御史巡撫湖廣勦平苗寇綏
輯軍民三年取回本院管事祖永恭父祥皆
封如其官祖母史氏母柯氏妻熊氏俱封夫

人榮錫

誥命六年春母喪守制天順元年

英宗皇帝復登寶位有忌公者統之七年遭穿
窬之徒誣枉抄沒赴京乙酉

今上嗣統改元成化蒙給財產冠帶閒住八年

壬辰欽取詣

闕又被沮抑

特復原職致仕家居鄉里三十餘年以田園自
娛室中五人嫡熊夫人同坊讓之長女德言
工貌咸備孝舅姑睦宗黨相夫致成顯要享
有盛福處衆庶謹禮節絕無妬忌之私婦道
母儀著于閭閻雖成周后妃之淑德箴以尚
年七十有七以疾卒成化二十二年七月初
六日卽時廢楊氏唐王樊唐氏先卒男五人

既娶魏氏既娶劉氏授通政司經歷司知事
賄娶朱氏賔娶陶氏則未聘女四長春英賢
錦衣衛所鎮撫 辭次春香贅士人周黼英
香俱先卒再次春秀適生員王元士次圓秀
在室孫女二奇香奇秀公成化二十一年乙
巳八月二十七日卯時卒于家享年七十二
明年春具本

上聞勅工部造墳禮部諭祭差進士張翼領其
事以成化二十三年丁未四月二十八日丁酉

亥時公與夫人合葬于鳳樓山祖塋之右坐
未向丑子知事既具狀來請銘予與公同鄉
同學同年登第寓

京師同寢處相知最深誼不可辭銘曰

繫侃侃乎風標抑卓犖其人豪職居言路
忠稷立

朝秉使節剛義揮旄單騎虜營直擣萬里胡
塵頓銷詞嚴義正膽氣飄上乾

鑿輿于紫塞捧日轂于青霄擢亞卿以登

崇階都憲之效勞

贈封三代寵沐嘉褒及其投閒置散樂靜
處以蕭條用舍無預進退置_口灼見其才
畧超越氣節孤高考終正寢神歸寂冥計
音

上聞宸衷動悼錫典渙頒荷

天恩之寵叨生榮死哀千載振耀嗣人如玉
流餘慶於續貂高封馬鬣勒貞石我銘

昭昭

傳文

右都御史合陽李公傳

公名實字孟誠姓李氏別號虛菴先世居江西武陵高祖卽十卽元時以儒起家官潼川路同知曾祖友政始來居合州樂善坊因占籍焉祖永恭父祥皆以公貴贈封資善大夫都察院右都御史祖母史氏母柯氏俱贈封夫人初柯夫人夢巨蛇繞身既而誕公適五月二十日俗以是日為龍會因以命公小字

公狀貌豐偉胸次高明弱冠時曾商遊江南
歸途舟敗幾危遂奮業儒術為郡庠弟子員
穎敏之資博洽之學瓌竒之文為一時流輩
所推正統辛酉以詩經領四川省鄉薦明年
壬戌第劉儼榜進士試政戶部乙丑春擢禮
科給事中屢上章疏咸切時弊己巳秋

英宗皇帝北狩留虜庭景泰庚午公被

命歷淮揚諸郡招募義兵二萬餘赴都下策應
特有豪猾乘機倡亂為河道害者公嚴禁以

法遂帖然五月進本科都給事中章月卜數
上愛公者戒以宜少慎默恐賈禍公曰吾所
任言官也食祿而曠職耻莫大焉何敢為身
謀也聞者愧服六月瓦剌脫脫卜花王太師
也先人來議和

詔命在京堂上官有如富弼文天祥者往使莫
有應者公曰

國家養士正備緩急之用况主辱臣死義也其
可避難毅然請行

上悅陞公禮部右侍郎克瓦剌正使大理少卿
羅騎副之公具奏八事皆與虜所當議者

上覽之曰事雖預度卿至彼隨機應變處之七

月一日

陞辭面受詔敕賜白金文綺及一品獸從一十

六人經榆河驛居庸關懷來衛六月過狼山

次土木蓋我師失利處再進歷赤城毡帽山

獨石開平沙城小黃河九十九海子爰逢虜

騎衝庫公譴以我天朝使者毋得妄動虜下

馬羅拜因為前導十一日抵也先營相見以
賓主禮責以大義氣壯詞直虜酋悅服具乳
酪禮甚恭許奉

奎輿南還次日朝見

英宗行在所面定回奎之計領書辭歸奏換奉
迎敕丹使往還備嘗艱險

英宗還都

朝廷嘉公勞績進資善大夫都察院右都御史
巡撫湖廣

賜誥以公所居官贈封三代苗寇為患以兵剿
之岷王謀為不軌擒送京師除兇暴安善良
恩威並行政化大治五年甲戌

詔還掌院事風裁凜然六年乙亥春母柯夫人
歿守制

英宗復辟有忌公者終之免官家居天順癸未
鄉人有訟公於

朝者逮繫錦衣衛獄時衛使門達擅權作威福
素忌公威名且入京差千戶侯爵之譖將不

利於公一日

英宗坐便殿召達令問公有何言達覆

奏以公云其所言者非臣下所得聞必面陳
乃可

英宗悅首泣下因不豫而入達退而懼不敢加
害後數日

英宗登遐

憲宗嗣統庶知公無辜給還所沒家貲令冠帶
閒住甫抵家而父歿將葬陰兩連旬公默禱

至塋日天開霽既塋復如初人以為忠孝所
感成化八年壬辰驛

詔赴

闕沮於言者復職致仕優遊田里幾三十年以
山水文籍自娛二十一年乙巳八月二十七
日卒上距生年永樂癸巳得年七十有二計

聞

朝廷遣進士張翼造墳布政司叅政唐震

諭祭

恩禮備至配熊氏封夫人側室楊氏唐氏王氏
樊氏子男五唐出曰旣曰賄王出曰旣通政
司知事樊出曰賄曰則女四皆適士旣公歿
後旣以傳屬予予謂公大臣國史自當有傳
然近世士大夫又有家傳者以其詳悉非金
匱石室抽書者所當錄故備載家乘以示後
昆也予素辱公知愛故為掇拾大槩為傳俾
後有所考焉

贊曰

士生兩間能建立事功者一曰識見二曰
才能三曰氣節非識見無以燭大機非才
能無以當大任非氣節無以處大變公也
兼而有之所以為賢諫官為良使臣為明
執法隨用而效聲績炳然或以其使北一
事方之富鄭公予以為鄭公當兩國和平
之時而公適逢天地反覆之際時勢難易
必有能辯之者嗚呼若公者其亦在數傑之
士乎哉

弘治十六年癸亥春三月吉日

賜進士第文林郎福建道監察御史同郡何

悌順卿書

附錄終

虛菴奉使錄後序

右奉使錄一帙吾鄉丈虛菴老先生奉
使迤北紀行之書也古人遇事必書故
有史有懷必詠故有詩若典謨風雅頌
其濫觴也後世因之史之變有傳記詩
之變其體不一其義一也故有行者必
紀之亦其義之一也老先生奉使遠極

沙漠誠切忠愛何可以無紀也某月日
紀時也某山川紀地也某艱險紀事也
某談論紀綱常也凡所紀輒有所詠紀
性情也已而鎮服犬羊扶還

天日天理正人心安其有功於

國家有裨於名教豈淺淺也否則西域之
傳傷國是也河梁之作虧臣節也孔子

所謂對之專君命之不辱老先生兼有
之也夫大丈夫之所以流芳者曰功業曰
文章老先生有是功業又有是文章以
紀之是固可以世傳也附錄首

誥諭重

君恩也次詩文昭清議也次誌傳詳實行
也若其他

誥敕奏議皆火於壬寅而詩集則已壽諸
平陽府之梓故不贅也

嘉靖壬午六月既望鄉晚生鄒遵序

虛菴集終